

Planta facie *Crepidis pygmaea*, 3-4-pollicaris, foliorum limbus diametro 9-15 lin. latus, capitula florifera 7 lin. longa.

§ 4. *Micranthæ*.

19. **L. rosularis**, glabra glaucescens, radice verticali crassiusculâ, foliis dense rosulatis majusculis obovato-oblongis obtusis margine minute et crebre undulato-denticulatis denticulis spinulosis basi attenuatis breviter petiolatis, caulibus pumilis a basi divaricatim et dichotome ramosissimis ramisque tandem incrassatis, foliis caulinis ad dichotomias minutissimis squamiformibus basi obtuse auriculatis, capitulis minimis terminalibus et alaribus brevissime pedicellatis oblongo-cylindricis, involucri glabri phyllis obtusis apice nigro-sphaecelatis ad externis ad intima auctis, flosculis....., acheniis nigris minimis ellipticis basi subattenuatis lævissimis tenuiter marginalis utrinque tenuiter uninerviis apice abrupte mucronulatis rostro albo fugaci subæquilongo terminatis, pappo albo (2).

Hab. in Persiâ australi inter Jezd et Ispahan et inter Ispahan et Teheran prope Nasrabad et Schurab (Bge exs. 226!), in prov. Khorassan (Bge!).

Folia radicalia 1½-3 pollices longa, caulis cum paniculâ demum divaricatis-simâ 3-6 pollices longus et latus, capitula fructifera 4 lineas longa.

20 **L. undulata** (Ledeb. Fl. Act. IV, p. 156) glabra vel crispule papillosa. caulibus e collo unico vel pluribus pumilis erectis a basi vel superne dichotome ramosis corymbosis oligocephalis, foliis radicalibus obovatis dentatis vel lyratis, caulinis a basi obtuse et minute auriculatâ in lacinias oblongas sinuatas vel triangulares aut lineares integras obtusas pinnatifidis partitisve, capitulis breviter pedicellatis tenuiter cylindricis paucifloris fructiferis valde elongatis, involucri glabri phyllis paucis obtusiusculis ab infimis ovatis squamæformibus ad interiora demum valde elongata abentibus, flosculis cæruleis, acheniis obovato-oblongis compressis anguste marginalis et scabridis utrinque elevatim uninerviis transverseque rugulosis apice breviter et abrupte mucronatis, rostro setaceo albo achenio 3-4-plo longiore basi fissâ bicruri ejus apicem amplectente, pappo sordide albo (3). Ledeb. Ic. tab. 129.

Hab. in rupestribus apricis, radices montis Sinai loco Bestan (Schimp. 138!), Armenia Turcica inter Diarbekir et Karput in subalpinis (Noë!). Armenia Rossica inter Nackitschewan et Ordubad (Koval!), Persia media orientalis ad Ssertschah (Bge!), australis prope Fasa (Auch. 4861!), Turkestan ad mare Caspium et in deserto Kisilkum (Lehm!), Belutschia (Stocks!).

Icon citata formam exhibet majorem vulgari quæ etiam fructifera 5-6 pollices vix excedit. Rostris baseos structura peculiaris.

Ar. Geogr. Songaria, Sibiria Uralensis et Altaica

21. **L. glaucifolia**, caulibus decumbentibus sæpius nanis rarius elongatis folia radicalia parum superantibus dichotomis laxè

corymbosis oligocephalis, foliis rosulatis subtus copiosius pilis albis flexuosis plus minus canescentibus obovatis dentatis basi attenuatâ interdum pinnatifidis, caulinis minimis squamæformibus a basi minute et obtuse auriculatâ brevissime linearibus, capitulis minimis subsessilibus oblongo-cylindricis fructiferis elongatis, involucri phyllis paucis obtusis ab externis oblongis medio setulosis ad interna late linearia auctis, flosculis cæruleis, acheniis elliptico-linearibus compressis margine sub lente valido scabridis facie utrâque lævibus uninerviis acutis rostro setaceo albo 3-4-plo longiore terminatis, pappo albo ☉.

Hab. ad Ssertschah Persiæ mediæ orientalis (Bge exs. 238!), in Persiâ mediâ (Derderian!).

Folia 9-10 lineas longa, capitula florifera tres lineas, fructifera 5 fere longa; affinis *L. undulatæ* indumento diverso, foliis elongatis pinnatifidis, involucrio glabro, capitulis duplo majoribus fructiferis 10 lin. longis, achenio rugoso et rostro basi bicruri diversæ.

22. **L. auriculata** (D.C. Prodr. VII, p. 140) glauca, caulibus e collo 1-pluribus gracilibus inferne hispidulis superne glabris dichotomis laxè corymbosis oligocephalis, foliis fere omnibus rosulatis præter nervum subtus papillosum glabris runcinato-lyratis segmentis lateralibus triangularibus minutis, foliis caulinis 1-2 anguste linearibus integris basi minute sagittatis, capitulis longiuscule pedicellatis parvis tenuiter cylindricis paucifloris, involucri glabri phyllis paucis externis triangulari-lanceolatis brevibus internis linearibus, flosculis cæruleis?, acheniis nigris obovato-oblongis compressis anguste marginatis utrinque facie elevatim tricostatis minute transverse rugulosis apice bidentatis, rostro albo basi subdilatato e sinu apicali achenii oriundo eo duplo longiore, pappo albo ☉. *L. Stocksii* Boiss. Diagn. Ser II, 3, p. 96.

Hab. in Belutschîâ inferiore (Stocks exs. 809 et 830!).

Folia majora 12-15 lin. longâ, caules 6-9-pollicares; affinis *L. undulatæ* cujus capitula fructifera magis elongata sunt, pedicelli breviores, achenia utrinque uni nec trinervia; rostrum nostræ vix basi bicrura sed subspathulatum.

Ar. Geogr. Himalaya boreali-occidentalis, Nepalia.

§ 5. **Mulgedioideæ.**

23. **L. adenophora** (Boiss. et Ky.) caule elato crasso sulcato-striato glabro albido superne stricte ramoso paniculato, foliis membranaceis subtus minute papillari-puberulis inferioribus longe obovato-oblongis in petiolum longum angustatis sublyrato-runcinatis laciniis basilaribus utrinque subternis oblongo-triangularibus retrorsis omnibus grosse dentatis, foliorum intermediorum petiolo brevi dilatato vaginanti, superioribus auriculato-cordatis oblongo-lanceolatis acuminatis indivisis, paniculæ ramis laxè corymbosis et cum pedunculis strictis valde glandulosis, capitulis mediocribus 16-18-floris, involucri phyllis præter setulas secus nervum paucas sæpe nullas glabris